


Ol Lo bilong ol Rot long Australia

palmscheme.gov.au

Ol lo bilong ol rot long Australia i narapela kain long ol lo long ol Pasifik ailan kantri na Timor-Leste. Pastaim long yu draivim ka long Australia, yu mas i gat stretpela draivas laisens. Yu mas sekim tu olsem laisens bilong yu i orait long yusim long hap bilong Australia we yu bai draivim ka long en.



TRAFIK LAIT


Trafik lait sistem long Australia i gat tripela kain lait:

- **retpela** i makim yu mas stop.
- **yelopela** i makim yu mas stop. I gat taim we yu ken i go yet, maski yelopela lait i stap, sapos yu luksave yu no inap stop seif na bai yu abrusim 'stop' lain. Yu no ken stop wantu tasol, na yu no ken apim spit i go na abrusim yelopela lait.
- **grinpela** i makim yu ken i go long hap bilong inteseksen sapos yu ken mekim olsem long pasin i seif.



OL RAUNABAUT

- Ol raunabaut i raunpela inteseksen we ol ka i save ran i go long hankais na raunim liklik raunpela ailan i stap namel.
- Yu no ken spit long raunabaut na i mas givwei long ol ka i kam long hansut.



OL SPIT LIMIT (MAK BILONG SPIT YU NO KEN ABRUSIM)

- Em i impoten long lukluk gut long ol sain bilong spit limit.
- No ken ran spit moa long spit limit. Em i mak bilong spit we yu no ken abrusim taim yu draiv.
- Ol skul zon i save i gat spit limit we mak bilong en i daunbilo tru long sampela haptaim long de em taim we ol pikinini i go i kam long skul.
- Sapos yu abrusim spit limit na brukim dispela lo, ol inap askim yu long baim fain.



OL SITBELT

- Olgeta draiva na pasenja i mas pasim sitbelt.
- Paslain long yu kirap ka trip, yu mas save olsem yu pasim gut pinis sitbelt bilong yu na em i pas gut long bodi bilong yu.
- Sapos krismas bilong pikinini bilong yu, longpela bilong em, na hevipela bilong em i aninit long ol dispela samting ol lo i makim, em i mas sindaun long sit em gavman i orait long en.
- Sapos sampela man insait long ka i no pasim sitbelt, ol bai sasim bikpela fain long draiva bilong dispela ka.



OL MOBAIL FON

- Taim yu draivim ka, yu no ken pikim, na holim, na yusim mobail fon.
- Sapo yu draiv i stap na putim fon antap long lek bilong yu, em, tu, i makim yu brukim lo.
- Planti ka aksiden i save kamap bikos mobail fon i pulim tingting bilong draiva na em i lukluk long mobail fon.



OL DRAG NA ALKOHOL


- Em i denjeres long yu na ol narapela sapos yu kisim drag o dringim alkohol na bihain yu draiv.
- Yu brukim lo sapos alkohol level insait long blut bilong yu inap 0.05% o antap moa. Olsem na, yu no ken dringim tupela bia.
- Ol inap sasim yu bikipela fain na tekewe laisens bilong yu.



TAIED (SKIN I LES)

- Em i denjeres long draivim ka sapos yu taied.
- Sapos yu wok long yoning o pasim ai taim yu draiv, yu mas stopim ka na kisim malolo.
- Yu mas malolo gut pastaim long draivim ka.
- No ken draivim ka inap tripela aua na yu no malolo.

Tingim hau yu ken draivim ka long Australia i narapela kain long kantri bilong yu. Yu na ol pasenja bilong yu na ol narapela i stap long rot ol i mas bihainim ol lo bilong ol rot long Australia na i stap seif.



TRENING OL WOKMAN I KEN KISIM

Sapos yu wanpela wokman bilong Pacific Australia Labour Mobility (PALM) skim, yu ken kisim draiva trening.

Dispela trening em hap bilong PALM scheme's Skills Development Program.

Sapos yu laik save moa, askim na toktok wantaim employa bilong yu long trening yu ken kisim.

OL NARAPELA RISOS

I gat infomesen yu ken kisim long websait bilong PALM skim. Em bai helpim yu taim yu draiv.

Employa bilong yu i ken bekim ol askim bilong yu. Sapos employa bilong yu i no inap helpim, yu ken:

- ringim PALM skim sapot servis lain long (1800 51 51 31)
- salim emeil (palms@dewr.gov.au) namel long 8:30 am na 6:30 pm AEST.

Sapos yu gat bikipela hevi, plis ringim dispela sapot lain enitaim, maski em i de o nait.